

Tirane me 27.06.2024

Akti i Themelimit

“Ucrypt” sh.p.k

Ky Akt themelimi u perpilua nga **ortaku i vetem themelues**:  
Z.Nursen Metuli, shtetas shqipëtar, lindur më 29.10.1984 me Tirane, me pasaportë shqiptare  
me NID I41029048V me zotësi të plotë juridike për të vepruar;  
I cili ne perputhje me ligjin 9901 dt. 14.04.2008 “Per Tregtaret dhe shoqerite tregtare” Nr.9723  
dt. 03.05.2007 “Per Q.K.R”, krijon nje shoqeri me pergjegjesi te kufizuara si vijon:

KAPITULLI I  
EMRI I SHOQËRISË- SELIA- KOHËZGJATJA-OBJEKTI

Neni 1

Emri

Shoqëria do të quhet “Ucrypt” shpk. (Këtu e më poshtë “Shoqëria”)

Shoqëria do të organizohet në formën e një shoqërie me përgjësi të kufizuar në përputhje me  
ligjet e Republikës së Shqipërisë.

Shoqëria ka logon dhe vulën e saj zyrtare.

Neni 2

Selia

2.1. Selia e shoqërisë do të jetë tek rr. Pjeter Bogdani, Tirane.

Neni 3

Kohëzgjatja

Kohëzgjatja e Shoqërisë do te kete nje afat te pacaktuar.

Neni 4

Objekti

4.1. Objekti i aktivitetit të shoqërisë është:

Dizenjim dhe përshtatje e sistemeve të Sigurisë kibernetike. Sigurimi i network dhe datacenter nga sulmet kibernetike dhe çdo dëmtim i pronës digjitale. Programim softesh dhe implementimi i tyre, Suport IT dhe konsulence. Shitje, montim dhe trajnim sistemesh të monitorimit dhe menaxhimit, montim dhe trajnim për sisteme të monitorimit dhe menaxhimit të parkingjeve.

Tregtim të programeve informatike (software-ve).

Programim dhe zhvillim i aplikacioneve web-based. Shitja dhe blerja e sistemeve kompjuterike e informatike me qëllim përdorimi dhe menaxhimi të sistemit bankar. Realizimi i import-eksportit të të gjithë artikujve të përmendur më sipër. Te tjera sipas legjislacionit në fuqi. Sherbim informatik

të ndryshëm të aplikueshëm në sektorë të ndryshëm. Programim, programe implementimi i sistemeve dhe programeve informatike (software-ve), mirëmbajtje sistemesh dhe programesh informatike, asistencë dhe konsulencë për përgatitjen e programeve informatike (software-ve). Menaxhimi, ruajtja, arkivimi i informacioneve digjitale. Sisteme të avancuara sigurie.

## KAPITULLI II KAPITALI THEMELTAR

### NENI 5

#### Kapitali Themeltar

Kapitali themeltar fillestar i shoqërisë është 10.000 ALL (dhjete mije leke)

Pjesëmarrja e themeluesve në kapitalin e shoqërisë është në përputhje me kontributet e tyre të meposhtme:

1. Ortaku themelues: Nursen Metuli është zoterues i 1 kuote (nje kuote) me vlere 10.000 leke ( dhjete mije), ekuivalente në masen 100% të kapitalit themeltar të shoqërisë.

### NENI 6

Ortaku që ka ndermend të shesë kuotat e tij teresisht, apo pjesërisht duhet me parë të njoftojë ortakun tjetër të shoqërisë. Ortaku tjetër ka të drejtën e blerjes së parë. Kete të drejta ortakut duhet ta ushtroje Brenda 30 Diteve nga dita e njoftimit.

Në rastin e mos ushtrimit të së drejtës së blerjes së parë, ortakut që do të shesë kuotat duhet të njoftojë emrin e blerësit dhe kushtet, të cilat nuk duhet të jenë më të favorshme se sa ato të afëruara ortakut tjetër të shoqërisë.

### NENI 7

Kapitali i shoqërisë përbehet, nga kapitali fillestar plus shtesën e bere, mjetet e xhiros, pasuri të luajtshme ose të paluajtshme etj të nevojshme për ushtrimin e aktivitetit të shoqërisë.

### NENI 8

Kuotat e kapitalit janë të pasqyruara dhe të regjistruara në librat e llogarisë të shoqërisë.

### NENI 9

Heqja dore e ortakut nga bashkëpunimi nuk e çliron ortakun e larguar nga detyrimet që kanë lindur para se ai të largohet. Po kështu ai fiton dhe të drejtat që janë krijuar para largimit të tij .

#### NENI 10

Fitimet qe realizohen gjate veprimtarisë dhe qe konkretizohen me nxjerrjen e bilanceve periodike, ndahen midis ortakeve ne proporcion me përqindjen e kapitalit te investuar, por kurdoherë pasi të jenë shlyer detyrimet ligjore.

Kapitali i investuar nga ortakët nuk mund te zvogëlohet nen kufijtë e parashikuar ne ligj .

#### NENI 11

Shoqëria tregtare "Ucrypt" sh.p.k. është përdoruese dhe disponuese e pasurisë se saj. Ajo mund te blejë dhe te shfrytëzoje te drejta te tjera, material ose jo material, duke përfshire edhe te drejtën për shitjen e pasurive se vet tek te tjerët.

Ne Republikën e Shqipërisë Shoqëria tregtare "Ucrypt" sh.p.k. gezon te drejta sikundër çdo person tjetër juridik, shqiptar ose i huaj ne përputhje me legjislacioni ne fuqi.

#### NENI 12

Shoqëria tregtare "Ucrypt" sh.p.k. vepron ne regjimin e pronës private dhe merr përsipër te drejtat e detyrimet vetëm brenda kufirit te kapitalit te saj. Ortakët themelues te shoqërisë, mbartin rrezikun e veprimtarisë se shoqërisë, vetëm ne nivelin e kuotave te kapitalit te investuar ne te. Shoqëria nuk përgjigjet për detyrimet qe ortakët ka pasur para se ajo te krijohet.

### KAPITULLI I III

#### DREJTIMI DHE ADMINISTRIMI I SHOQERISE

#### NENI 13

##### Kompetencat e ortakut

13.1 Ka të drejtë të administroj aktivitetin e shoqërisë, konform objektit të veprimtarisë se saj, duke përfshire edhe veprimtarinë prodhuese e tregtuese që Shoqëria mund te kryej, vlerat e saj intelektuale e ekonomike-financiare. Kane të drejtë të marrin dijeni për rezultatet ekonomiko financiare ne çdo faze te aktivitetit te saj. Kane te drejte te marrin pjese vete ose me ane te përfaqësueseve ne ketë aktivitet.

13.2 Kane te drejte te tërheqin te gjitha dokumentet kryesore te shoqerise per tre vitet e fundit

13.3 Kane te drejte te heqin dore nga shoqeria dhe mund te shesin pjesen e kapitalit te tyre ne perputhje me kushtet qe i lejon statute dhe ligji.

13.4 Ortakët ne perputhje me statutin e aktin e themelimit dhe legjislacionin ne fuqi kane, te drejte qe ne te njejten kohe te jene ortake edhe ne shoqeri te tjera.

13.5 Ortakët rezervojne te gjitha te drejtat sipas ligjit Tregtar.

#### NENI 14

Shoqeria do te drejtohet nga administratori Z.Nursen Metuli per nje afat te percaktuar prej dates 27.06.2024 deri ne 26.06.2029.



## NENI 15

### Administrimi i shoqërisë

- 15.1 Administratori ka te gjitha te drejtat dhe fuqite per drejtimin e zakonshëm te shoqërisë, me qellim qe te arrije objektivat e saj, përveç atyre qe ligji ia atribuon ortakeve.
- 15.2 Administratori përfaqëson shoqërinë ne mardhenie me te tretet si dhe para organeve te administratës dhe atyre gjyqesore.
- 15.3. Administratori përgjigjet individualisht ndaj shoqërisë ose ndaj te treteve per shkelje te ligjeve, për shkelje te statutit apo per deme te kryera gjate administrimit. Ortaku ka te drejte te ngrej padi ndaj administratorit.
- 15.4 Administratori emerohet dhe shkarkohen me vendim te ortakut, kan të drejtë të veproj, firmosi pranë çdo organi administrativ, banke të nivelit të dytë dhe ku të shikohet e arsyeshme për të ushtruar aktivitetin e shoqërisë.
- 15.5 Shoqeria administratohet te pakten 1(nje) dhe maksimumi 3(tre) administrator , te cilet qendrojne ne detyre deri ne revokimin apo doreheqjen per nje periudhe maksimale prej (5 vjetesh.
- 15.6. Çdo administrator do te ketë te drejte për rimbursimin e shpenzimeve te bera prej tij per llogari te shoqërisë.
- 15.7 Kur administratori i shoqerise rezulton i suksesshem ne punen e tij dhe ne rezultatin financiar te kompanise ateherë ortaket vendosin lidhur me shperblimin qe do ti jepet atij ne fund te vitit financiar.

## NENI 16

### Detyrat e Administratorit/ëve

Administratori i shoqërisë ka dhe këto detyra dhe te drejta.

Te mirë administroje pasurine e shoqerise

Te lidhe marreveshje me te tretet Brenda objektit te veprimtarise se shoqerise dhe kompetencave te caktuara nga ortaket.

Te zbatoje rregullat e brendeshme te shoqerise.

Te shperbleje demet qe l vijne shoqerise si pasoje e veprimeve apo mos veprimeve te tij.

Te paguhet per punen e kryer ne baze te marveshjes se bere midis tij dhe ortakeve.

Te marre te dhena e te beje propozime mbi gjithcka qe ai e quant e dobishme per shoqerine  
Te miratoje planet e llogarive ekonomike pas perpunimit te tyre dhe ti paraqese ato sipas rastit per miratimin perfundimntar nga ortaket

Te behen propozimet perkatese ortakut te vetem kur lind nevoja per ndryshime ne kapitalin themeltar te shoqerise.

Te miratoje aktet normative qe percaktojne aportet ne gjirin e shoqerise duke perfshire kuadrin e personelin.

Te percaktoje strukturen e aparatit te shoqerise dhe te krijojne organe te tjera te domosdoshme per realizimin e objektivate te shoqerise.

Ti propozoje ortakeve per krijimin e njesive strukturave te ndryshme si filial, dege e përfaqësi ne qytetet te tjera te vendit ose jashte shtetit.

Te përgatise propozimin për pushimin e veprimtarisë se shoqërisë dhe t'ia paraqesë ortakut për miratim. Të përzgjedhë ekspertin kontabël dhe anëtare te komisionit te likuidimit si dhe te paraqese propozimet për miratim para ortakeve.

Te kryeje çdo detyre tjetër që i ngarkohet nga ortaku i vetem i shoqërise.

NENI 17  
EKSPERTI KONTABEL

- 17.1 Shoqëria cakton ekspert kontabël për çdo viti financiar. Caktimin e tyre e bën administratori
- 17.2 Eksperti kontabël mban përgjegjësi për mirëmbajtjen e rregullt të gjithë dokumentacionit të shoqërisë.
- 17.3 Ato përgjigjen për demet që i vijnë shoqërisë nga mbajtja e pa rregullt e llogarive ose verifikimi i tyre i gabuar.
- 17.4 Eksperti kontabël i autorizuar mund të shkarkohet sipas mënyrës së parashikuar nga legjislacioni në fuqi .
- 17.5 Nuk mund të ngarkohen me detyrën e ekspertit, themeluesit, administratorët, personat që janë në gjini e krushqi deri në shkallën e katert. Po ashtu nuk mund të kryejnë këto detyra përgjegjësit e zyrave, filialeve e agjensive.

KREU III  
MARDHENIET E PUNES  
NENI 18

Marrëdhëniet e punës në shoqëri rregullohen nëpërmjet kontratave të punës. Për çështjet që kjo kontratë nuk i parashikon zbatohen dispozitat përkatëse të legjislacionit shqiptar në fuqi.

NENI 19

Për çdo mosmarrëveshje që mund të lind midis palëve dhe që nuk zgjidhet me mirëkuptim apo konsensus, organi kompetent për zgjidhjen e saj është Gjykata e rrethit Gjyqësor Tirane.

NENI 20  
Sekreti i punës

Te gjithë të punësuarit në shoqëri janë të detyruar të ruajnë sekretin e punës së shoqërisë. Kjo detyra vazhdon edhe pas largimit të tyre nga shoqëria.

KAPITULLI I IV  
VITIT FINANCIAR, BILANCI VJETOR SHPERNDARJA E FITIMIT

NENI 21  
Viti financiar

Viti financiar fillon me 1 Janar dhe mbaron me 31 Dhjetor të çdo viti.  
Përgjashtimisht Viti I parë financiar përfshin kohën nga data e regjistrimit të shoqërisë në regjistrin tregtar dhe përfundon me 31 dhjetor të të një viti.

## NENI 22

### Inventari dhe llogarite vjetore.

Shoqëria do të mbajë një kontabilitet të rregullt të pasurisë dhe të veprimtarisë së saj në pajtim me kërkesat ligjore.

Në mbylljen e vitit financiar administratori harton inventarin e pasurisë në këtë datë dhe llogarite vjetore për vitin financiar .

## NENI 23

### Raportet vjetore

23.1 Në mbylljen e çdo viti financiar administratori dhe eksperti kontabël harton inventarët dhe llogarite vjetore në përputhje me dispozitat ligjore në fuqi për kontabilitetin si dhe harton një raport me shkrim për ortakët.

23.2 Raporti pasqyron gjendjen e shoqërisë gjatë vitit financiar të kaluar, ndryshimet e parashikuara, veprimtaritë e rëndësishme etj.

23.3 Bilancet vjetore, inventari, raportet e administratorit dhe ekspertit kontabël të autorizuar (nëse është emëruar) miratohen nga ortakët sipas Ligjit Nr. 9901 datë 14.04.2008 "Për Tregtarët dhe Shoqëritë Tregtare".

## NENI 24.

### Rezerva e domosdoshme dhe e nevojshme.

24.1 Nga fitimi i realizuar gjatë vitit financiar pasi zbriten humbjet e vitit të mëparshëm, hiqet menjëherë një shumë e barabartë me 5 % (pese për qind) e fitimit të destinuar për formimin e fondit rezerve të quajtur "rezerve të domosdoshme".

24.2 Heqja nga fitimi për rezervën e domosdoshme pushon së qeni e detyrueshme kur kjo rezerve arrijë 10% të kapitalit themeltar. Ajo rifillon kur për një arsye çfarëdo, rezerva e domosdoshme ka zbritur nën 10% të kapitalit.

24.3 Ortakët mund të vendosin edhe zbritje të veçante në favor të rezervave të jashtëzakonshme ose për qëllime të tjera apo për shtyrjen e shpërndarjes së fitimeve, plotësisht ose pjesërisht, për vitet financiare të ardhshme.

## NENI 25

Te ardhurat eventualisht të ndjekura nga shoqëria çdo vit financiar janë të destinuara siç është vendosur nga ortakët duke i qëndruar në uljen 5% që do të destinohet rezervës ligjore.

## KAPITULLI V

### MBYLLJA E SHOQERISE, LIKUJDIMI

## NENI 26

Veprimtaria e shoqërisë mund të ndërpritet para afatit kur shoqëria nuk rezultojë rentable gjatë dy vjetëve të fundit radhazi dhe kur për këtë vendos gjykata kompetente.



#### NENI 27

27.1 Menjëherë pas marrjes se vendimit për prishjen e shoqërisë, ortakët caktojnë një likuiditor, kompetencat e tij dhe mënyrën e likuidimit të shoqërisë, me dispozitat përkatëse të ligjit tregtar.

Shoqëria gjatë likuidimit mban anash emërtimit dhe emrin "Shoqëri në Likuidim e siper".

27.2 Likuiditori i emëruar nga ortakët menjëherë sapo merr detyrën është i detyruar të publikojë bilancin e shoqërisë duke specifikuar aktivin dhe pasivin dhe t'ia vënë në dispozicion menjëherë ortakëve.

27.3 Me miratimin e likuidimit shoqëria i jep fund veprimtarisë.

#### NENI 28

Ortakët vendosin mbi rregulshmerinë e likuidimit, për të vendosur për bilancin e likuidimit dhe heqjen e mandatit të likuiditorit.

Ortakët mund të vendosin vetë realizimin e kësaj mbledhje, në rast se likuiditori nuk e kërkon. Mbledhja vendoset edhe nga gjykata mbi propozimin e Ortakëve ose të një mandatmbajtësi të caktuar prej tij.

#### NENI 29

Kur ortakët për shkaqe të arsyeshme nuk vendosin për aktet e mësipërme, likuidatori dhe çdo person i interesuar mund të kërkojë nga Gjykata mbylljen e likuidimit.

Aktet e mbylljes dhe likuidimit e depozitimit të dokumentacionit në regjistrin tregtar Shoqëria c'regjistrohet prej tij.

DISPOZITET KALIMTARE

#### NENI 30

Dispozitat e fundit

30.1 Për të gjitha çështjet që nuk gjejnë rregullim në këtë Akt, aplikohen dispozitat e Ligjit Nr 9901 datë 14.04.2008 "Për Tregtarët dhe Shoqëritë Tregtare"

30.2 Për efekt të interpretimit të këtij Akti me Ligj Tregtar nënkuptohet Ligji nr 9901 datë 14.04.2008 "Për Shoqëritë Tregtare"

30.3 Pafshëmëria eventuale të dispozitave të veçanta të Aktit nuk mund të cenojnë vlefshmërinë e tij.

#### NENI 31

Gjykata kompetente.

Gjykata kompetente për zgjidhjen e të gjitha mosmarrëveshjeve të Shoqërisë është Gjykata e Rrethit Gjyqësor Tiranë.

#### NENI 32

Hyrja në fuqi

Ky Akt hyn në fuqi dhe është i detyrueshëm për zbatim në momentin e firmosjes nga Ortakët.

ORTAKET THEMELUES TË SHOQËRISË

"Ucrypt" sh.p.k.

